

## ხელშეკრულება სახელმწიფო შესყიდვის შესახებ №გეტ-55

ქ. თბილისი

25 აგვისტო, 2017 წელი

### ხელშეკრულების დამდები მხარეები:

ერთის მხრივ, ს.ს.ი.პ. „დაცული ტერიტორიების სააგენტო“, წარმოდგენილი მისი თავმჯდომარის დროებით მოვალეობის შემსრულებელი (თავმჯდომარის მოადგილე) გიორგი ჩხეიძის სახით (შემდგომში „შემსყიდველი“) იურიდიული მისამართი ქ. თბილისი, გულუას ქუჩა №6, ს/კ # 204911337, ტელ. 2723035, სახელმწიფო ხაზინა, კოდი # TRESGE22, ა/ა # 200122900

(ორგანიზაციის დასახელება, იურიდიული მისამართი და საბანკო რეკვიზიტები)

მეორეს მხრივ, შპს „კომპიუტერშოპი“ წარმოდგენილი მისი დირექტორის დავით კორაბაშვილის სახით, (შემდგომში „მიმწოდებელი“) იურიდიული მისამართი: ქ. თბილისი ნავთლულის დასახლება, VIII შესახვევი, ბინა №6; ს/კ: 406129167, სს "თი ბი სი ბანკი", კოდი# TBCBGE22, ა/ა # GE42TB7747236080100002

(ორგანიზაციის დასახელება, იურიდიული მისამართი და საბანკო რეკვიზიტები)

### 1. ხელშეკრულების ღირებულება

შემსყიდველმა გამოაცხადა ელექტრონული ტენდერი სხეულზე სატარებელი და ავტომატურად დასაყენებელი ვიდეოსამეთვალყურეო კამერების (CPV35125300 - ვიდეოთვალთვალის კამერები) სახელმწიფო შესყიდვაზე (სატენდერო განცხადების № SPA170010673) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი 5624 (ხუთი ათას ექვსასოცდაოთხი) ლარად დღგ-ს გარეშე, დღგ-ს თანხა შეადგენს 1012,32 ლარს შესაბამისად მთლიანი ღირებულება დღგ-ს ჩათვლით შეადგენს 6636,32 (ექვსი ათას ექვსასოცდათექვსმეტი ლარი და 32 თეთრი) ლარს (შემდგომში ხელშეკრულების ღირებულება).

### 2. შესყიდვის ობიექტის რაოდენობა და მახასიათებლები

2.1 შესყიდვის ობიექტია: 9 კომპლექტი - სხეულზე სატარებელი ვიდეოსამეთვალყურეო კამერა და 17 კომპლექტი - ავტომატურად დასაყენებელი ვიდეოსამეთვალყურეო კამერა. შესყიდვის ობიექტის დასახელება, მწარმოებელი ფირმა, მოდელი და წარმოშობის ქვეყანა, განზომილება, რაოდენობა, ერთეულის ფასი და საერთო ღირებულება მოცემულია ხელშეკრულების დანართი №1-ში (დანართი 1 ფურცლად).

2.2 მოსაწოდებელი საქონლის ტექნიკური მახასიათებლები მოცემულია ხელშეკრულების დანართი №2-ში.

### 3. საქონლის მიწოდების პირობები და გარანტია

3.1. საქონლის მიწოდება უნდა განხორციელდეს ხელშეკრულების გაფორმებიდან 25 (ოცდახუთი) კალენდარული დღის ვადაში.

3.2 საქონლის მიწოდების ადგილია: ქ. თბილისი გ. გულუას ქ. №6, მე-5 სართული, სსიპ დაცული ტერიტორიების სააგენტო.

3.3 შესყიდვის ობიექტი უნდა იყოს ნივთობრივად და უფლებრივად უნაკლო.

3.4 შესყიდვის ობიექტს გააჩნია 1 (ერთი) წლიანი გარანტია და გარანტიის მოქმედების ვადაში საქონლის შეკეთების ან ახალი, ანალოგიური პარამეტრების მქონე საქონლით შეცვლის დრო არ უნდა აღემატებოდეს შემსყიდველის მოთხოვნიდან 10 (ათი) სამუშაო დღეს.

### 4. ხელშეკრულების შესრულების ინსპექტირება

4.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს ინსპექტირებას.

4.2. ხელშეკრულების მიმდინარეობის ინსპექტირების მიზანს წარმოადგენს:

4.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;

4.2.2. მიწოდებული საქონლის ხელშეკრულების მოთხოვნებთან შესაბამისობის დადგენა.

4.3. მიმწოდებლის მიერ ხელშეკრულების შესრულების ინსპექტირებას ახორციელებს - ეკონომიკური სამსახურის უფროსი სპეციალისტი - ბორის ნაფეტვარიძე.

## **5. შესყიდვის ობიექტის მიღება-ჩაბარების წესი**

- 5.1. შესყიდვის ობიექტის მიღება-ჩაბარება ხორციელდება, მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად.
- 5.2. იმ შემთხვევაში თუ, მიწოდებული საქონელი შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირები მიღება-ჩაბარების აქტის საფუძველზე იბარებენ მიწოდებულ საქონელს, ხოლო თუ საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს აღნიშნული საქონელი და მოსთხოვოს მიმწოდებელს ხარვეზის აღმოფხვრა მიმწოდებლის ხარჯით.
- 5.3. ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილ პირს წარმოადგენს სსიპ „დაცული ტერიტორიების სააგენტო“-ს ეკონომიკური სამსახურის მთავარი სპეციალისტი - ლევან კამლაძე.

## **6. ანგარიშსწორება და დაფინანსების წყარო**

- 6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად მიწოდებული საქონლის ღირებულების შესაბამისად.
- 6.2. ანგარიშსწორება განხორციელდება მიმწოდებლის საბანკო რეკვიზიტებზე.
- 6.3. ანგარიშსწორება მიმწოდებელთან განხორციელდება ხელშეკრულების პირობების შესაბამისად გაფორმებული მიღება-ჩაბარების აქტის, სასაქონლო ზედნადების და ანგარიშგაქტურის საფუძველზე, მათი შემსყიდველ ორგანიზაციაში წარმოდგენიდან არაუგვიანეს 10 (ათი) სამუშაო დღის განმავლობაში.
- 6.4. დაფინანსების წყარო: კავკასიის ბუნების ფონდის მიერ გამოყოფილი გრანტი და დღგ-ს ნაწილში სახელმწიფო ბიუჯეტის თანადაფინანსება.

## **7. მხარეთა ვალდებულებები**

- 7.1. „მიმწოდებელი“ ვალდებულია:
- 7.1.1. „შემსყიდველს“ მიაწოდოს საქონელი ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;
- 7.1.2. საქონლის მიწოდების პროცესში უზრუნველყოს გამოვლენილი დეფექტებისა და ნაკლოვანების აღმოფხვრა საკუთარი ხარჯით, შემსყიდველის მომართვიდან არაუგვიანეს 5 (ხუთი) კალენდარული დღის ვადაში;
- 7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
- 7.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2. „შემსყიდველი“ ვალდებულია:
- 7.2.1. უზრუნველყოს „მიმწოდებლის“ დროული და სრული დაფინანსება;
- 7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 7.2.3. დაიცვას ხელშეკრულებით გათვალისწინებული ყველა პირობა.

## **8. მხარეთა უფლება**

- 8.1. „მიმწოდებელს“ უფლება აქვს:
- 8.1.1. ხელშეკრულების ფარგლებში მოითხოვოს დროული და სრული დაფინანსება.
- 8.2. „შემსყიდველს“ უფლება აქვს:
- 8.2.1. აწარმოოს მიწოდებული საქონლის ხარისხის კონტროლი;
- 8.2.2. განაცხადოს უარი უხარისხო საქონლის მიღებაზე.

## **9. ფორს-მაჟორი**

- 9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;
- 9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის

შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

### **10. ხელშეკრულების პირობების და ფასების გადასინჯვა**

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

### **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

### **12. ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

### **13. ხელშეკრულების პირობების შეუსრულებლობა**

13.1. მიმწოდებელი კისრულობს პასუხისმგებლობას წინამდებარე ხელშეკრულების გათვალისწინებული პირობების (მათ შორის, საქონლის მიწოდების ვადების) დარღვევის შემთხვევაში გადაუხადოს პირგასამტეხლო შემსყიდველს შეუსრულებელი ვალდებულების შესაბამისი ღირებულების 0,02%-ის ოდენობით ყოველ ვადაგადაცილებულ დღეზე.

13.2. ხელშეკრულების პირობების შეუსრულებლობისათვის მიმწოდებელს დაეკისრება პირსაგამტეხლო ხელშეკრულების საერთო ღირებულების 10%-ის ოდენობით;

13.3. ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

#### 14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. მიმწოდებლის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. საქართველოს მოქმედი კანონმდებლობით გათვალისწინებულ სხვა შემთხვევებში.

#### 15. ხელშეკრულების მოქმედების ვადა

16.1. ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2018 წლის 31 იანვრამდე, მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

#### 16. განსაკუთრებული პირობები

16.1. არცერთ მხარეს არ აქვს უფლება გადასცეს მესამე მხარეს თავისი უფლებები და მოვალეობები, მეორე მხარის წერილობითი თანხმობის გარეშე;

16.2. ხელშეკრულება შედგენილია სამ ეგზემპლარად და თითოეულ მათგანს თანაბარი იურიდიული ძალა აქვს;

16.3. ხელშეკრულების ერთი ეგზემპლარი ინახება „მიმწოდებელთან“; ხოლო ორი ეგზემპლარი „შემსყიდველთან“.

„შემსყიდველი“

ს.ს.ი.პ „დაცული ტერიტორიების სააგენტო“

  
გიორგი ჩხეიძე  
თავმჯდომარის დროებით მ.შ  
(თავმჯდომარის მოადგილე)

„მიმწოდებელი“

შპს „კომპიუტერშოპი“

  
დავით კორაშვილი  
დირექტორი

ტექნიკური დავალება:

| # | საქონლის დასახელება                                    | ტექნიკური მახასიათებლები                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            | განზომილება | რაოდენობა |
|---|--------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------|-----------|
| 1 | სხეულზე<br>სატარებელი<br>ვიდეოსამეთვა<br>ლყურეო კამერა | <p>CMOS მატრიცა 5 მეგაპიქსელი.<br/>170 გრადუსი გაშლის კუთხის მქონე ლინზა,<br/>ფოტოგადაღების რეზოლუცია 3200*2400<br/>პიქსელი.<br/>სინქრონიზირებული ვიდეო-აუდიო ჩაწერა.<br/>ვიდეო ფორმატების არჩევის საშუალება:<br/>1080P (1920 x 1080) 30 frames / s;<br/>720P (1280 x 720) 60 frames / s;<br/>WVGA (848 x 480) 60 frames /s;<br/>ჩანაწერის თითოეული ფაილის ხანგრძლივობა 20 წუთი.<br/>4 ჯერადი ციფრული ზუმი.<br/>ინფრაწითელი ნათების ჩართვა ფრონტალური მექანიკური<br/>ჩამრთველი ღილაკი.<br/>უნიკალური კოდის მქონე რადიოსიხშირული<br/>დისტანციური მართვის პულტი, მოქმედების მანძილი<br/>მინიმუმ 6 მეტრი, აღჭურვილი 3 ღილაკით<br/>(ფოტოგადაღება, ვიდეოჩაწერის დაწყება, ვიდეოჩაწერის<br/>გაჩერება).<br/>დიქტოფონის რეჟიმი.<br/>აუდიო ჩაწერის გააქტიურების დამოუკიდებელი ღილაკი.<br/>ვიდეოჩაწერის გააქტიურების დამოუკიდებელი ღილაკი.<br/>ფოტოგადაღების დამოუკიდებელი ღილაკი.<br/>ავტოექსპოზიცია და თეთრის ავტომატური ბალანსირება.<br/>32 გიგაბაიტი შიდა მეხსიერება.<br/>დაცვის კლასი IP65.<br/>დავარდნისგან დაცვა.<br/>ენერგოეკონომიის რეჟიმი. 2 წუთის უმექმედობის შემდეგ<br/>გადადის "standby" რეჟიმში, ხოლო 30 წუთის შემდეგ<br/>ითიშება.<br/>PC კამერის ფუნქცია. ვიდეოკონფერენციის ჩატარების<br/>საშუალება (კომპიუტერზე მიერთების შემთხვევაში).<br/>RTC საათი ვიდეო და ფოტო გამოსახულებაზე დატანით.<br/>ვიდეოჩანაწერის წინ და უკან გადახვევის ღილაკები.<br/>ვიდეოჩაწერის ფორმატი - MOV.<br/>ფოტოგადაღების ფორმატი - JPEG.<br/>აუდიოჩაწერის ფორმატი - WAV<br/>1,5" დიაგონალის მქონე თხევადკრისტალური ფერადი<br/>ეკრანი და დინამიკი.</p> | კომპლექტი   | 9         |

დ. კობახიძე

|   |                                                    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |           |    |
|---|----------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------|----|
|   |                                                    | <p>სამუშაო რეჟიმის დიოდური ინდიკატორები, დატენვის და ჩაწერის მაჩვენებელი.</p> <p>შიდა ლითიუმ-პოლიმერის აკუმულატორი 1 ა/სთ მოცულობით, ვიდეოგადაღების რეჟიმში 2,5 სთ, მოლოდინის რეჟიმში 120 საათი, დატენვის დრო 3 სთ, ეკრანზე ჩანს აკუმულატორის მდგომარეობა და უნდა იძლევა სიგნალს კრიტიკულ ზღვრამდე განმუხვტვისას.</p> <p>კამერასთან დაშვება და კომპიუტერში გადმოწერა დაცულია 8 სიმბოლოიანი პაროლით.</p> <p>USB 2.0 და AV პორტი. HDMI ინტერფეისი.</p> <p>ზომები არ აღემატება 90მმ*58მმ*30მმ.</p> <p>სამუშაო ტემპერატურა -10°C + 50°C.</p> <p>კამერის წონა (აქსესუარების გარეშე)- 110 გრ.</p> <p>მოყვება: ქამარზე სამაგრი, სამხრეზე სამაგრი, ჩანთა, AV კაბელი, USB კაბელი, დამტენი.</p>                                                                                                                                                                                                                                                                                                                                                |           |    |
| 2 | ავტომატურად დასაყენებელი ვიდეოსამეთვალყურეო კამერა | <p>CMOS მატრიცა 3 მეგაპიქსელი.</p> <p>170 გრადუსი გაშლის კუთხის მქონე ლინზა, სინქრონიზირებული ვიდეო-აუდიო ჩაწერა.</p> <p>მინიმუმ შემდეგი ვიდეო ფორმატების არჩევის საშუალება:</p> <p>1080P (1920 x 1080) 30 frames / s;</p> <p>720P (1280 x 720) 30 frames / s;</p> <p>WVGA (848 x 480) 30 frames /s;</p> <p>ჩანაწერის თითოეული ფაილის ხანგრძლივობა არანაკლებ 5 წუთი.</p> <p>გააჩნია ავტომატური ჩაწერის დაწყების ფუნქცია ავტომატური დაქოქვის შემთხვევაში და ავტომატური ჩაწერის დამთავრების ფუნქცია ავტომატური გათიშვის შემთხვევაში.</p> <p>გააჩნია ავტოსაგზაო შემთხვევის დროს ჩაწერილი ფაილის დაცულად შენახვის ფუნქცია (G-Sensor) და არ ხდება აღნიშნულ ფაილზე სხვა ჩანაწერის გადაწერა.</p> <p>ვიდეოჩაწერის გააქტიურების დამოუკიდებელი ღილაკი.</p> <p>შესაძლებელია მეხსიერების გაზრდა 32 გიგაბაიტამდე Micro SD ბარათის საშუალებით.</p> <p>ავტონომიურ რეჟიმში ვიდეოს ჩაწერის ხანგრძლივობა 1 საათი.</p> <p>USB 2.0 პორტი.</p> <p>მოყვება შესაბამისი 16GB - Micro SD ბარათი, საქარე მინაზე სამაგრი, USB კაბელი და ავტომატური დამტენი.</p> | კომპლექტი | 17 |

დ. კიბიძე

სატენდერო წინადადების ფასი, ფასების ცხრილი,

შეესების თარიღი „25“ აგვისტო 2017წ

„შპს კომპიუტერშოპი“  
თეთრი

სატენდერო წინადადების ფასი 6636,32 (ექვსი ათას ექვსასოცდათექვსმეტი ლარი და 32

| № | მწარმოებელი ფირმა, მოდელი<br>და წარმოშობის ქვეყანა | საქონლის დასახელება                                      | განზომილება | რაოდენობა | ერთეულის<br>ფასი (ლარი) | საერთო<br>ღირებულება<br>(ლარი) |
|---|----------------------------------------------------|----------------------------------------------------------|-------------|-----------|-------------------------|--------------------------------|
|   | 1                                                  | 2                                                        | 3           | 4         | 5*                      | 6*                             |
| 1 | AEE, PD77G, ჩინეთი                                 | სხეულზე სატარებელი<br>ვიდეოსამეთვალყურეო<br>კამერა       | კომპლექტი   | 9         | 554,60                  | 4991,40                        |
| 2 | Geekdigger co. Ltd, DG50,<br>ჩინეთი                | ავტომატურად დასაყენებელი<br>ვიდეოსამეთვალყურეო<br>კამერა | კომპლექტი   | 17        | 96,76                   | 1644,92                        |

(\*) სატენდერო წინადადების ფასი წარმოდგენილია ყველა ხარჯის გათვალისწინებით მიწოდების ადგილამდე დღგ-ს ჩათვლით.

საქონლის მიწოდება განხორციელდება ხელშეკრულების გაფორმებიდან 25 (ოცდახუთი) კალენდარული დღის ვადაში.

საქონლის მიწოდების ადგილია: ქ. თბილისი გ. გულუას ქ. N6, მე-5 სართული, სსიპ დაცული ტერიტორიების სააგენტო.

შესყიდვის ობიექტს გააჩნია 1 (ერთი) წლიანი გარანტია და გარანტიის მოქმედების ვადაში საქონლის შეკეთების ან ახალი, ანალოგიური პარამეტრების მქონე საქონლით შეცვლის დრო არ უნდა აღემატებოდეს შემსყიდველის მოთხოვნიდან 10 (ათი) სამუშაო დღეს.

შპს „კომპიუტერშოპი“-ს დირექტორი  
დავით კორახაშვილი

